

Գլխավոր տեղեկություն

Համար	N 1290-Ն
Տիպ	Որոշում
Ակտի տիպ	Պաշտոնական հսկողություն (23.07.2023-մինչ օրս)
Կարգավիճակ	Գործում է
Սկզբնաղբյուր	ՀՀՊՏ 2007.11.28/59(583) Հոդ.1233
Ընդունող մարմին	ՀՀ կառավարություն
Ընդունման ամսաթիվ	01.11.2007
Ստորագրող մարմին	ՀՀ վարչապետ
Ստորագրման ամսաթիվ	16.11.2007
Ուժի մեջ մտնելու ամսաթիվ	08.12.2007

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

1 նոյեմբերի 2007 թվականի N 1290-Ն

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՔԱՂԱՔԱԳԻՈՒԹՅՈՒՆ ՍՏԱԳՈՂ ԱՆԾԻ ԵՐՂՄԱՆ ԱՐԱՐՈՂԱԿԱՐԳԸ ՍԱՀՄԱՆԵԼՈՒ ՄԱՍԻՆ

Համաձայն «Հայաստանի Հանրապետության քաղաքացիության մասին» Հայաստանի Հանրապետության օրենքի 28-րդ հոդվածի 1-ին մասի 4-րդ կետի՝ Հայաստանի Հանրապետության կառավարությունը որոշում է.

1. Սահմանել Հայաստանի Հանրապետության քաղաքացիություն ստացող անձի երդման արարողակարգը՝ համաձայն հավելվածի:

2. Սույն որոշումն ուժի մեջ է մտնում պաշտոնական հրապարակման օրվան հաջորդող տասներորդ օրը:

Հայաստանի Հանրապետության  
վարչապետ

2007 թ. նոյեմբերի 16  
Երևան

Ս. Սարգսյան

Հավելված  
ՀՀ կառավարության 2007 թվականի  
նոյեմբերի 1-ի N 1290-Ն որոշման

Ա Ր Ա Ր Ո Ղ Ա Կ Ա Ր Գ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՔԱՂԱՔԱԳԻՈՒԹՅՈՒՆ ՍՏԱԳՈՂ ԱՆԾԻ ԵՐՂՄԱՆ

1. Սույն արարողակարգով սահմանվում է Հայաստանի Հանրապետության քաղաքացիություն ստացող անձի (այսուհետ՝ անձ) Հայաստանի Հանրապետության քաղաքացու երդում (այսուհետ՝ երդում) տալու ընթացակարգը:

2. Երդման արարողությունը կազմակերպում և իրականացնում է Հայաստանի Հանրապետության ներքին գործերի նախարարության միգրացիայի և քաղաքացիության ծառայությունը (այսուհետ՝ ծառայություն), իսկ օտարերկրյա պետությունում՝ Հայաստանի Հանրապետության դեսպանությունը կամ հյուպատոսական հիմնարկը (այսուհետ՝ դեսպանություն կամ հյուպատոսական հիմնարկ):

**(2-րդ կետը լրաց. 02.08.12 N 983-Ն, փոփ. 23.06.22 N 923-Ն, 13.07.23 N 1155-Ն)**

3. Հայաստանի Հանրապետության քաղաքացիություն շնորհելու մասին Հայաստանի Հանրապետության նախագահի հրամանագիրն ստանալուց հետո ծառայությունը, իսկ օտարերկրյա պետություններում՝ դեսպանությունը կամ հյուպատոսական հիմնարկը 10-օրյա ժամկետում անձին ուղարկում է գրավոր ծանուցում՝ համաձայն N 1 ձևի, եթե դիմումատուն հարցաթերթիկում չի լրացրել իր բջջային հեռախոսահամարը և (կամ) Էլեկտրոնային փոստի հասցեն և, եթե չի տվել իր համաձայնությունը՝ ծանուցումները Էլեկտրոնային փոստի հասցեին ուղարկելու վերաբերյալ:

**(3-րդ կետը լրաց. 02.08.12 N 983-Ն, 29.11.12 N 1505-Ն, խմբ. 23.06.22 N 923-Ն, փոփ. 13.07.23 N 1155-Ն)**

4. Երդման արարողությունն իրականացվում է յուրաքանչյուր աշխատանքային օր՝ ծանուցման մեջ նշված ժամին: Հայաստանի Հանրապետության քաղաքացիություն շնորհելու մասին Հայաստանի Հանրապետության նախագահի հրամանագրի քաղվածքին քաղաքացիություն ստացող անձը ծանոթանում է ծառայությունում, իսկ օտարերկրյա պետություններում՝ դեսպանություններում կամ հյուպատոսական հիմնարկներում՝ Երդման արարողության ընթացքում:

**(4-րդ կետը լրաց. 02.08.12 N 983-Ն, խմբ. 29.11.12 N 1505-Ն, փոփ. 23.06.22 N 923-Ն, 13.07.23 N 1155-Ն)**

5. Երդման արարողությունն անցկացվում է հանդիսավոր պայմաններում՝ Հայաստանի Հանրապետության պետական դրոշի առջև:

6. Երդման արարողությունը ծառայությունում սկսվում է ծառայության պետի կամ նրա տեղակալի, իսկ օտարերկրյա պետությունում՝ դեսպանությունում կամ հյուպատոսական հիմնարկում՝ դեսպանի, գլխավոր հյուպատոսի կամ նրանց կողմից լիազորված դիվանագետի ներածական խոսքով, որից հետո ընթերցվում է Հայաստանի Հանրապետության քաղաքացիություն շնորհելու մասին Հայաստանի Հանրապետության նախագահի հրամանագիրը: Հաղթանակի և խաղաղության, Հանրապետության, Սահմանադրության կամ Անկախության կապակցությամբ նշվող տոն օրերին Երդման արարողությունն իրականացվում է հատուկ հանդիսավոր պայմաններում, որին մասնակցելու համար կարող են հրավիրվել Հայաստանի Հանրապետության պետական մարմնի ղեկավարներ, հասարակական միավորումների, զանգվածային լրատվության միջոցների ներկայացուցիչներ՝ արարողությունը լուսաբանելու համար:

**(6-րդ կետը լրաց. 02.08.12 N 983-Ն, 29.11.12 N 1505-Ն, փոփ., լրաց. 13.07.23 N 1155-Ն)**

7. Անձը Երդում է տալիս ծառայության պետի (տեղակալի), իսկ օտարերկրյա պետությունում՝ դեսպանի, գլխավոր հյուպատոսի կամ նրանց կողմից լիազորված դիվանագետի կողմից Երդման տեքստը բարձրաձայն ընթերցելուց հետո՝ «Երդվում եմ» բառը բարձրաձայն արտասանելով, որից հետո ստորագրում է Երդման տեքստը:

**(7-րդ կետը խմբ. 29.11.12 N 1505-Ն, փոփ. 13.07.23 N 1155-Ն)**

8. Ծառայության պետը (տեղակալը), իսկ օտարերկրյա պետությունում՝ դեսպանը, գլխավոր հյուպատոսը կամ նրանց կողմից լիազորված դիվանագետը շնորհավորում է անձին Երդում տալու կապակցությամբ, որից հետո հնչում է Հայաստանի Հանրապետության օրհներգը:

**(8-րդ կետը լրաց. 02.08.12 N 983-Ն, փոփ. 13.07.23 N 1155-Ն)**

9. Երդման ստորագրված տեքստը կցվում է անձի՝ Հայաստանի Հանրապետության քաղաքացիություն ստանալու վերաբերյալ փաստաթղթերին:

9.1. Երդման արարողակարգի տեքստն դեսպանությունների կամ հյուպատոսական հիմնարկների կողմից Հայաստանի Հանրապետության արտաքին գործերի նախարարության հյուպատոսական վարչության միջոցով ուղարկվում է ծառայություն, անձի՝ Հայաստանի Հանրապետության քաղաքացիություն ստանալու վերաբերյալ փաստաթղթերին կցելու համար:

**(9.1-ին կետը լրաց. 02.08.12 N 983-Ն, փոփ. 23.06.22 N 923-Ն, 13.07.23 N 1155-Ն)**

10. **(կեսն ուժը կորցրել է 29.11.12 N 1505-Ն)**

**Հայաստանի Հանրապետության  
կառավարության  
աշխատակազմի  
ղեկավար**

**Դ. Սարգսյան**

**Ձև N 1**

**Շ Ա Ն ՈՒ Ց ՈՒ Մ  
(վերնագիրը խմբ. 23.06.22 N 923-Ն)**

Հարգելի \_\_\_\_\_

(ծանուցվողի անունը, ազգանունը)

Տեղեկացնում ենք, որ Հայաստանի Հանրապետության Նախագահի հրամանագրով Ձեզ շնորհվել է Հայաստանի Հանրապետության քաղաքացիություն: Երդման արարողությանը մասնակցելու և Հայաստանի Հանրապետության քաղաքացու անձը հաստատող փաստաթուղթ ստանալու դիմում ներկայացնելու համար յուրաքանչյուր աշխատանքային օր, ժամը \_\_\_\_\_ ը կարող եք ներկայանալ՝

- Միզրացիայի և քաղաքացիության ծառայություն  
\_\_\_\_\_, թիվ

(հասցեն)

\_\_\_\_\_, աշխատասենյակ.

- օտարերկրյա պետությունում Հայաստանի Հանրապետության դեսպանություն կամ  
հյուպատոսական հիմնարկ

\_\_\_\_\_  
(անվանումը, հասցեն)

թիվ \_\_\_\_\_ աշխատասենյակ:

Ծանուցումն ուղարկող ծառայության անվանումը

օրը, ամիսը, տարեթիվը

**(ձևը խմբ. 25.03.10 N 411-Ն, լրաց. 02.08.12 N 983-Ն, խմբ. 29.11.12 N 1505-Ն, 23.06.22 N 923-Ն, փոփ. 13.07.23 N 1155-Ն)**

**(հավելվածը խմբ. 25.03.10 N 411-Ն, լրաց. 02.08.12 N 983-Ն, լրաց., խմբ., փոփ. 29.11.12 N 1505-Ն, փոփ., խմբ. 23.06.22 N 923-Ն, փոփ., լրաց. 13.07.23 N 1155-Ն)**

#### Փոփոխման պատմություն

Փոփոխող ակտ	Համապատասխան ինկորպորացիան
<a href="#">13.07.2023, N 1155-Ն</a>	<a href="#">23.07.2023, N 1290-Ն</a>
<a href="#">23.06.2022, N 923-Ն</a>	<a href="#">25.06.2022, N 1290-Ն</a>
<a href="#">29.11.2012, N 1505-Ն</a>	<a href="#">22.12.2012, N 1290-Ն</a>
<a href="#">02.08.2012, N 983-Ն</a>	<a href="#">16.08.2012, N 1290-Ն</a>
<a href="#">25.03.2010, N 411-Ն</a>	<a href="#">15.05.2010, N 1290-Ն</a>

#### Փոփոխված ակտ

Փոփոխող ակտ

Համապատասխան ինկորպորացիան